



YMA General Conference kal man chawi ngai dawn lo

Chanmari West, 7th Oct.: Ni 23 - 25 October, 2012 chhunga YMA General Conference, Kawrtehawveng khua a hman turah kan Branch YMA chuan member kal duh tan an kal man chawi ngai lo turin ruahmann a siam.

Ni 2.10.2012 zana Pu Thanruma inah Branch YMA Executive meeting chuan YMA General Conference chungchang angaihtuah a, kum dangah hian kan Branch YMA memberte Conference-a kan kal that loh thin avangin kumin chuan tihdan danglamin Conferece kal tum kan member tan chuan kal man chawi ngai lo turin a ruahman a ni. Kal duh tute chuan Ni 14.10.3.2012 ral hma ngeiin Branch YMA Secretary Pu RL. Thanhnuna hnenah in hriattir tur a ni a, kal tur inpe te hi Branch YMA chuan a la ennawn leh ang. He hunu kal tum chu Ruihhlo leh Nulat tlangval kawnga fihlim mi an ni tur a ni.

Nikum lam khan Hunthar veng

nena kan inrinna (Chhawnzinga Tuikhua) bulah Branch YMA leh Chanmari West Local Council ten ramri chhinchhiahna an lo tar tawh chu mi tu tih hriat lohin an lo tihchhiat avangin helai hmunah hian tha zawka ramri chin hriatna tur tar leh tur hian Chanmari West Local Council hnenah thlen tum a ni.

Pi Thankhumi, Pu C. Lalramdina (L) nupui chuan a pasal hriatrengna atan Chanmari West Branch-ah jersey leina tur Rs 5000 an rawn pe a, Chanmari Branch YMA pawhin leimin leh lunglum vanga kan Branch YMA tanpui nan Rs 20500 an rawn pe bawk a, hetiang thilpek rawn petute chungah hian Branch YMA chu a lawm hle a ni.

Local Council

➤ Lung lum avanga bawlhhlawh kan paikh thlak V Section-a tling khawm chu Local Council hmalaknain PWD Aizawl Road North ten Ni 1.10.2012 (Monday) khan min rawn then sak a. EE leh thawktute chungah Local Council chuan lawmthu a sawi tak meuh meuh a ni.

➤ Chanmari West retailer No-II term a lo tawp ta a, a dil duh chuan DCSO

East Aizawl hnen ah ni 12/10/2012 ral hma in dil theih ari a, diltu chu Chanmari West veng chhung mi ngei a ni tur a ni a, kum tling lo tan dil theih a ni lo.

➤ Chhingtinte mahni in leh a vel vawngfai theuh turin an ngen.

➤ Chanmari West veng chhungah Ui leh Ar chhuah khap tlat a ni a, Ui leh Ar vulhu zawng zawng ten zawm theuh turin an in hriattir.

YMA CONFERENCE CHUNGCHANG

Ni 23-25 October, 2012 chhung khian YMA General Conference chu Kawrtehawveng khua-ah hman tur a ni a. Conference a kal tumte (Hruaitu leh member) chuan Ni 14.10.2012 ral hma hian Pu R.L.Thanhnuna, Branch Secretary hnenah in report vek tur a ni. Ruihhlo a fihlim tan lo chuan kal phal a ni lo.

CHANMARI BRANCH ATANGIN TANPUINA DAWNG

Lung lumin kan veng chhunga In a tihchhiatte, Leivung tawlh in harsatna minthlen avang leh chhiatna hrang hrang kan tawrh avangin, Chanmari Branch YMA chuan kan Branch YMA ten a tul anga kan lo hman turin Rs 20,500/- lai mai tanpuina atan min rawn pe a, an chungah lawmthu kan sawi a ni.

Branch News

➤ Kan Branch atanga pemchhuak tur ten Section a pem lehkha lak dawnah, mahni chhungkua hming leh pian kum dik tak Section-ah hriattir tur a ni.

➤ Volleyball Jersey la thehlut lo ten arang thei angin Pu C. Lalmuankima hnenah thehluh vek tur a ni e.

➤ YMA Conference thlengtu tanpui nan Rs 2000/- pek tum a ni.

➤ YMA a hruaitu ten meeting leh YMA hmalakna hrang hrang ngai pawimawh thar leh turin kan innge.

PEM CHHUAK

Pu Victor Lallianmawiate chhungkua chu Pu C. Saithuama 'V' Section-te In atangin Vaivakawnah an pem.

RUANG CHHUAK

Pi Lalremi kum 80, Pu Ziaksanga 'V' nu chu Ni 2.10.2012 khan Synod Hospital-ah a boral a, a ruang hi Hortoki panpui a ni.

HRIATTIRNA

Lalnunmawii w/o Zosangiana SI/ No. 1073 E/ Roll chungchangah BLO Lalriniana (Sir Tea) a rang thei ang bera hmu tura hriattir i ni e.

Property Committee

➤ Chawngbawla Section huam-chhunga Pu Lalbiaksanga In chung horn tha lo chu siam that a ni.

➤ Hun remchang hmasaah hmalak tawh dan thlirin meeting tum a ni



TUNKAR CHANGVAWN

"Chutichuan , a khawngaihna a thiam chantira lo awmin, chatuana nun beiseina ang zel a, ro luau tura siamin kan awm thei ang. Pathian ring tawhte chuan thiltha ti zel turin ngaihtuah rawh se" tih thu hi a rinawm a ni.

Tita 3: 7,8

Editorial Board

| | | |
|-----------------------------|-------------------|------------|
| Editor: | J.Lalnangliana | 9862399658 |
| Joint Editor : | Lalchhandama | 9862358347 |
| News Editor : | Thangkhuma | 9862303135 |
| | R. Lalrinngheta | 9862358337 |
| | Jacob Lalrinsanga | 9612319779 |
| Cir.Manager : | Johny Lalthanpuia | 9612359161 |
| | EVL. Hruaitluanga | 9862655426 |
| Production Manager : | R.Lalhmachhuana | 9436151817 |

Branch Office Bearer

| | | |
|------------------------|-----------------------------|------------|
| President | T. Ngurkhuma | 9436190843 |
| Vice President | R. Lalhmachhuana | 9436151817 |
| Secretary | RL. Thanhnuna | 9436152760 |
| Asst. Secretary | Zairemmawia | 9862385654 |
| Treasurer | C. Lalzarliana | 9436142049 |
| Fin.Secretary | K. Darthantluanga | 9436196071 |
| Adviser-te : | Pu Lalbiakthanga Khiangte | |
| | Pu Rothuama, Pi Zamanthangi | |
| | Pu Lalrengpuia Sailo | |

Editorial :

YMA General Conference kan lo thleng leh dawn ta. Kan Branch chuan kum dang ang lo takin ruahmanna a siam a, kum dangah kan kal tam loh thin em avangin, kuminah chuan kan kal tam zawk theih nan kal phung thar kan hmang dawn a ni. Kal man chawi ngai lo turin kal kan tum dawn a ni a, kal kan tam phah em ang chu.

YMA Conference-ah hian kal kan uar lo hle a, inthlan kum a nih loh phei chuan kan hlut lo deuh thin niin alang, member zawng zawng hian inenfiah angai a ni. Ram leh hnam tana ro relna hun pawimawh tak a nih avangin kan hlut thiam a, kan ngaih pawimawh tlan a tha hle a ni.

Kan veng chuan fupui hnathawh kan tuar leh mek a, leimin leh lung lum hlauhawm a nih avangin kan fimkhur angai hle mai, kan Branch YMA chuan chhiat tawkte tanpuina tur a siam a, he sum hmang hian tanpui ngai chu kan tanpui ang. Chutihlaiin veng mipuiten chhiat tawk ve lo ten he tanpuina bawmah hian tam lua tlem lua awm lovin thawh uar ila, mi dangte tan malsawmna kan nih theih phah dawn a ni.

2012 Thuvawn

*I awmdan tur chu
LALPA chungah nghan
la; Amah chu ring la,
aman a ti vek ang.*

Article :**Khawvel hrut chhuak ila.., Laljohny-a ang hi ?!**

Thutak ai chuan fiamthu hi kan hlimpui tlangpui. Ni 80 chhungin khawvel hrut chhuak ve ta ila, a nih loh pawhin Jules Verne-an "Around the World in Eighty Days" tih thawnthu a ziah hun lai ai khan khawvel a changkang nasa em em tawh a, kar khat pawh hrut chhuah nan a ngai kher lo thei.

Boruak lawng, tui hnuai lawng, van sang lawngte chu hmang pha kher lo mah ila hman sen lo a awm tawh. Lei hnuai lawng pawh a awm mai thei a, a awm leh awm loh ka hre bik chiah lo.

A awm leh awm loh hi a pawimawh ber lo va, Laljohny-a a awm tih kan hriat chuan chu chu a pawimawh lai tak a ni. Eng lirthei leh thlawhna emaw lawng pawhin khawvel hi hrut chhuak sawmsarih pawh ni ila, Laljohny-a ang hi an awm lo tih hi thla a lawn ve kher lo tan pawh hriat sa a ni a, khawvel hrut chhuak kher lo pawhin amah ang an awm chuang lo tih hi a chiang em em. Sam a zuah lai khan amah ang an awm lo va, a meh hnuah pawh amah ang an la awm chuang lo cheu.

Kan ziah tum lamah lut tan dawn ila; thu han chhuah mai tur hi a tam em em lai a awm a, a van viau hun a thleng thin. Huapzo leh mi tin ngaihnawm tih tur thu ziah chhuah hi thil harsa tak a ni a, infiamma lamah bawk luh a ngai. Khawvel hrut chhuak lo mah ila, a then a zar hrut tum mai ang.

Laljohny-a erawh kan tawng dawn chuang lo va, kan thupui luahtha ber ni mah se amah vei zui tawh lovin thil dang kan ziak tawh dawn a, hrethiam hram turah kan ngai. Atel ve lohna lam kan tuipui tan tawh dawn a, khawvela infiamma sang chanchin a nih tawh avangin Laljohny-a a tel ve lo tih hi sawi lang miah lo pawh ni ila a tel lohza a chiang tawk.

Pathianni zan hian Europe-a football stadium lian ber Camp Nou (*hman deuh kha chuan Nou Camp an ti thin*)-ah Barcelona-in Real Madrid mikhualin La Liga inkhel pawimawh an hmachhawn dawn a, 11:20 atangin an tan ang. Tunah ngat phei chuan anni pahnih hi khawvela football club ropui leh tha ber pahnih a chhal an ni a, hnial a har fu.

Clasico tiin he inkhel hi an sawi thin a, sap tawng chuan 'classic' tihna a ni ber awm e. Classic tih hi engnge a awmzia leh a kawh tum ber ka sawifiah thiam chiah lo. Hmannna chi hrang hrang a awm a, rimawiahe..., rimawi ni lovah pawh hmanna

a tam a, hmania kan zuk ve thin sikret pawh kha a hmingah classic an ti a, tuna Lalhminglianate zuk thin pawh hi classic tho a ni a, Mahse, Lalhminglianate zuk ang classic quality ang lek hi kan sawi tum chu a ni lo va, classic zawng zawng hi a ropui lo tihte pawh a chiang thei viau mai thei.

Hman lai atanga tun thlenga thil hlu bik tak sawina angah ngai ila a fuh ber. Chu ai pawhin Barca leh Real inkhel hi en ila he clasico awmzia hi chu a chiang mai. Football khawvelin club fixture zinga a bengkhawn bera ngaih a ni a, Spain ram pum a tuam hneh hle thin. Spain mai ni lovin football khawvel a chiah a, clasico tuipui pha lovin football fan ka ni ti fo ila, engtin nge football chikmiten min ngaih ang le ?

Spanish hnama inpawm ve thei lo Catalonia hovin Spain laka inlakhrana zalenna neih an duh. Hman atanga tun thlengin Spanish sorkarin a pawm thei lo. Catalonia hi Spain rama hnam hlawm lian a ni a, englai mahin Madrid hi an khawpuiah an chhal ngai lo va, an pawm thei lo bur a ni ber.

Barcelona bak khawpui dang an nei lo va, Real leh Barca an inkhelh apiangin Spanish leh Catalonia indonaah a ni mai. Catalan thinlungah chuan Madrid hi tenawm leh huatthla la a ni a, Real Madrid hi Spanish inchhuanna leh an hnam chhinchhiahnaah an ngai. Catalonia hnam chhinchhiahna langsar berah Football Club Barcelona an pawm hmiah bawk a, sakhua ang hiala ngai pawl pawh an awm niin an sawi thin.

Chanchin a ngah a, sorkar inrelbawlna thlengin nghawng a nei thin. An inelna tur erawh khelmualah a ni a, tunah hian season tan atangin league khelh rukah Barca chak vekin Real erawh an che fuh lo va, point riatin hmahruaitu Catalan team an pha lo.

Hetih lai hian tunhnaiah Cristiano Ronaldo a che tha a, season kal mekah Real tan inelna hrang hrangah goal 12 thunin a khelh hnuhnun vawi hnihad hattrick a siam ve ve. A elpui Barca star Lionel Messi chuan goal 10 tilut tawhin inelna hrang hranga a khelh hnuhnun vawi thumah a thun lo vek.

Pathianni zan dar 12:15 atangin San Siro-ah Milan derby an khel tan ve dawn thung a, AC Milan-in Inter Milan an mikhuah ang. Football chanchina thilmak tak chu club inhal leh inel em em thin Milan leh Inter hian stadium an intawm a, Milan derby hi Serie A (phek thumnaah zawm a ni..)

TAITESENA

Ni 2.10.2012 khan Faina hnatlang a ni a, hnatlanga thawkchhuak zawng zawng chungah lawmthu an sawi. Pu R. Thangdailovate chhung chuan bawlhhlawh pahnan an motor an thawh chhuahpui a, an chungah an lawm hle.

Tunkar hun remchangah Section Committee meeting tum a ni.

Tunkar ral ta khan sum tuakna lung thiari hnatlalng neih a ni.

VANAPA

Ni 2.10.2012 (Thawhlehni) zingkar khan section chhungah FAINA hnatlang an nei a, YMA member leh YMA Chhang member thahnem tak an thawk chhuak.

An hruaitu Pu Zairemthanga chu eizawnna avangin chhim lamah a zin mek a, dam taka a lo haw leh thuai an duhsak.

Oct ni 24 leh Nov ni 3 hian VANAPA DAY (Section Sport) ropui taka neih tum a ni a, YMA leh YMA Chhang member a tam thei ang ber tel turin an in sawm a. He sport-naa tel tum YMA Member te tan a hnuia hming ziak hnenah hian in pek tur a ni e.

Tv Hmingthansanga -9436195702
Tv R. Lalrinnngheta -9862358337

Tv Lalnunhlima (VPA)-9862344262
Tv David VL Peka -9774781160
Sport-ah hian item chi hrang hrang hmanga inel tur a ni a, member-te tun atanga lo inbuatsaif turin an inchah.

Chaltlang kham atanga lung lum avanga harsatna tawk chhungkuate an tawrhpu hle.

NEUVA

Ni 2. October. 2012 zing khan Faina ni denchhen in Section huamchhung ah Faina hnatlang YMA member leh YMA Chhang te nen neih a ni a, mi 50 chuang thawhchhuah a ni.

Hnatlang Squash leina tur Rs 200 Pu Lalzawma leh kuhva leina tur Pu Lalnunhlima (sena) ten an pe chu an lawm hle.

Ni 23/9/2012 leh ni 2/10/2012 khan Section huamchhunga damlo Damdawiin a awm te mi 4 section hming kan a ni. Damlo kan nan hian Rs 900 senral a ni.

Kumin chhunga Section project pakhat No bawn sawm (10) chu memberte in pekna a zarah lei thar a ni.

CHAWNGBAWLA

Section sum tuak nan ni 4/10/12 khan Sangha zawrh a ni a, Section nu leh pa leisaktu te zawng zawng chung ah lawmthu an sawi.

Sangha zawrh tur tlwmngaia sah saktu Pi Kapi chungah lawmthu an sawi. Tin, hnatlangte thingpui lumsaktu Dr Lalramliana, Pu Zoramthara leh Garage Sangha then nana hman tirtu Pu Vanlalsawma te chhungkaw chungah lawmthu an sawi. Tv Johny Lalthanpuia'n hnatlang te kuhva a tumsak bawk a, an chungah an lawm hle.

An member Tv Lalrosiama Zote s/o Vanlaluata Zote chuan BE (Civil) tha taka a rawn zo chu an chhuangin an lawmpui hle.

October thla tawp lamah section project ArticleWriting, Essay Writing leh football tih chhoh leh tum a ni a, memberte lo inring lawk turin an inchah.

Section huamchhunga damlo Pi Lalchhingpuii chu a dam leh thuai an duhsak.

Chaltlang lei a rawn min leh avangin an Section huamchhunga chhungkaw eng emaw zat chu an riak chhuak a, him taka anmahni in lum an luah leh thuai theih an beisei.

KHUANGCHERA

Ni 2.10.2012 (Thawhleh) zingkar khan Faina Hnatlang an nei a, hnatlangah hian YMA leh YMA Chhang member 100 chuang an thawk chhuak a, hnatlang zawng zawng chungah lawmthu an sawi. Hnatlangte in tura squash hhawpsak tu an Leader nupui Dr Ramchangliani chungah lawmthu an sawi.

Hnatlangin an tihfai lai leh tihfai hmabak, mahni inbul theuhte lo tifai chhunzawm turin chhungtinte an chah

In luah tur neite in luah turah fikur leh zual turin an innge a, khawtlang tana hnawksak thei tur mi chu hnar ngam turin an ngen.

Hruaitu zawng zawnge Ram leh Hnam humhalh thupui neitu, pawl hruaitu kan ni tih hre thar leh theuh turin veng chhunga mawphurhna lian tak kan nei tih i hre thar leh ang u.

October - December chhunga Branch O.B te incharge na tur

| | |
|---------------------|---------------------------------------|
| Chawngbawla Section | : Pu K.Darthantluanga, Fin.Secretary. |
| Khuangchera Section | : Tv Zairemmawia, Asst.Secretary. |
| Neuva Section | : Pu R.Lalmachhuana, Vice.President. |
| Taitesena Section | : Pu C.Lalzarliana, Treasurer. |
| Vanapa Section | : Pu R.L.Thanhnuna, Secretary. |

YMA AW hi vengchhung chanchin thar hriatna hnar pawimawh tak a ni.

(phek thumnaa mi zawnna..)

fixture lian ber pawl a ni thin.

Mahse, Italian football-in harsatna tawkin a tlahniam a, tun season-ah Milan an talbuai em em a, season liam ta khan Inter-in harsatna thuk tak tawk ve thungin Milan club lian pahnih inkhel tur hian kum dang angin mipui a hip lo.

English Premier League-ah pawh zanin hian inkhel hmuhnam tur a awm a, Newcastle United-in Manchester United mikhualin dar 8:30 atangin an khel tan ang. United hian thawhleh zan Champions League-ah Romanian champion Cluj tlawhin 2-1 in chak mah se, league an khelh hnuhnun berah Tottenham mikhualin 2-3 in an tlwm a, kum 23 chhunga Spurs laka an tlwm hmasak ber a ni.

Tlar hnungh United an buai hle a, Newcastle striker Demba Ba chet that vanglai a ni ve thung. Ba hian league goal ruk thun tawhin top scorer a ni a, a kawppui Papiss Cisse chuan ninga zan Europa League-a 3-0 a Bordeaux an hneh tumin goal a thun bawk.

Kumin April khan zanina an intumna tur Sports Direct Arena (St James Park)-ah hian team pahnihten league khelin, 3-0 in Newcastle-in United an hneh.

Khaw chhak lam hawi chho leh zawk ila, pathianni chaw hma dar 11:30 hian Japanese Grand Prix an tlan tan dawn. F1 title inchuha inbeihna san vanglai a ni a, Ferrari driver Fernando Alonso chuan hmahruiin pahnihna Red Bull world champion Sebastian Vettel aiin point 29-in a sang.

Inelna tihmuhnam turin Ferrari-in car an nei chak tawk lo va, zirtawpi inbuatsaifna an zawh hnuin team boss Stefano Domenicali chuan an car thuam that an tumna a hlawhtling lo tih a sawi.

Red Bull car a tha a, McLaren phei chu season chaw hnu lama car nei chak bera ngaih an ni bawk. Team lian pathum karah Lotus khalhtu Kimi Raikkonen chuan a vawi hniih nan title lak tumin tlo zetin season a hmachhawn a, driver hlauhawm zingah a tel reng.

Vettel chuan kum thum a zawnna F1 champion naupang ber nih a tum a, Ferrari an talbuai miau avangin hun tha a nei phah thei tura ngaih a ni. McLaren driver Lewis Hamilton chuan season tharah Mercedes zawnm dawn mah se, a vawi hniih nan world title la turin hun tha a nei thei bawk. Vannie lo viau mah se McLaren car a chak miau va, driver pakhat tan point 150 hmuh theih a la ni a, point 50 chuangin Alonso pha lo mah se beisei a la nei sang hle.

Central YMA

⦿ Mizoram leh Assam ramri buai leh ILP chungchanga buaina awm mek a hmuna enfiah turin Vairengteah Ni 2.10.2012 khan Pu Vanlalruata, Gen. Secretary, Pu R. Lalngheta, Treasurer, Pu C. Vanlalsanga CEC, Pu Lalhmangaiha CEC, Pu Z. Dengthansanga CEC, Pu R. Lallungawia CEC leh Pu Lalnunmawia CEC te an kal a, Kawnpuia Pu Laldawnga-te chhung Motor-in a chilhlum takte ralnan Rs. 1000/- an pe nghan bawk.

⦿ Ni 1.10.2012 khan ATI buatsaihin ATI Hall-ah Training on Community Based Disaster Management a ni a, Central YMA hnuiaia Disaster Volunteer te an tel.

⦿ Ni 5.10.2012 khan Sub-Hqrs. YMA, Mamit-ah Tuihna Humhalh Beihpui hawn a ni a, hetah hian Sub-Hqrs. YMA Mamit huam chhunga Group leh Branch hruaitute an tel a, Central YMA atangin Pu R.L. Rindika, Asst. Secretary, Pu Lalrinmawia Sohnel CEC ten an hmanpui.

Badminton Club

⦿ Aizawl North Zone Badminton Association-in Dt 26-30.9.2012 chhunga tournament a siamah player 58 lai an tel thei a, U-15 (Girls)-ah Mimi Vanlalhruaii d/o Lalthanzuala (K-sect) chuan lawmman 2-na a dawng a. R. Lalrindika (U-19) & R. Lalrimawia (U-13) s/o R. Lalrammawia, Pu HVL Zarzoenga leh Pu C. Lalzarliana (Above 50 doubles) ah te semi final an thleng bawk.

⦿ Dt 2.10.2012 (Thawhlehni) khan 1st MAP Hall ah One Day Tournament neih a ni a, member 24 an tel. An adviser Pu Lalbiakhanga Khiangte in zanriah tuihnai tak a buatsaih sak a, an lawm hle.

SPECIAL SUMMARY REVISION OF ELECTORAL ROLLS, 2013 CHUNGCHANGA HRIATTIRNA

Election Commission of India thupek angin special Summary Revision of Electoral Rolls, 2013 chu Dt 1-31.10.2012 chhungin neih a ni dawn a. India khua leh tui dik tak, Ni 1.1.2013-a kum 18 tling chin, Roll-a hming thun lut thar duhte chuan heng a hnuia mite hnenah hian dilna form lain a dil theih e.

1) 12/4 Chanmari West I (V Sect leh CH Sect Thlanmual hlui Step hmar lam chin) : Pi C. Vanlalchhuangi leh Pu JH Hmingthanchuanga

ZOFA

⦿ Ni 6.10.2012 (Inrinni) khan Ral Lu Lam Documentary Film shooting vawi khatna chu PKT Farm Seling-ah an nei a, shooting neihna hmu hmantirtu Pu VL Thakima chungah an lawm hle.

⦿ An hruaitu NI Lalrohlui chuan a hnathawhna lamah a kaisan avangin Gwuahati lamah a awm bosan a, an ui viau rualin an lawmpui hle.

⦿ Wawiin ni 7.10.2012 (Pathianni) chhun dar 12:00 hian Tv Mangheta te inah Committee tur a ni e.

⦿ Tunkar lo awm turah hian phai lamah zin chhuah an tum.

⦿ Fin. Secy Pu Zohmingliana (Atea) chu Hnam Lam entirin Hyderabad lamah a thang mek.

⦿ An hruaitu Tv Zohmingliana chu a hriselna a that loh avangin a tawmim hle.

Relief Fund tan

Kan hriat theuh angin kan Branch YMA chuan tanpui ngaite tanpuitu kan nihna hriain YMA Relief Fund a siam a nih kha. He tanpuina bawm hi tute tih kah tur mah a ni hran lova, mi tlawmgai, mi tana inpete chhun khah mai tur a ni. Branch YMA pawhin a theih ang angin hemi pual tan hian sum a la tuak ngei ang. Kan veng mi leh sa harsatna tawk tan malsawmna a nih theih ngei beisei ila, chutiang ang a nih theih nan chuan kan veng mipui kan pawimawh a, kan tan tlan a ngai a ni. YMA member zawng zawngte phei hi chuan he fund pual hian sawm a pakhat pekna tlak a ni.

KEIMAHNI

⦿ Mangheta pawh film changin tunlai hian a buai thei hle.

⦿ Disaster training chhuak Masangtea leh Chda hi leimin velah hian rawn theih reng an ni e, rawn man a awm lo ang.

S M S

SMS thawnnatur : 9862358337.

⦿ Kan veng Volleyball Team chu an tla ta maw, playerten Coach thu an awih loh dan ngaiatuah chuan thleng sang tlak pawh kan ni love.

9784731268

⦿ YMA Relief Fund-ah khan pawisa thawh i uar ang u, he pawisa tling khawm hi kan veng mi harsatna tawk tan a ni si a.

9864731052

⦿ Tournament zawk a pianga hruaituten player-te hnena jersey lam khawm a ngai ziah mai hi playerte hian inenchian an va mamawh em, a thehluhna turah thehluh mai thin nise.

9611514052

SMS kan dawnte hi Editorial Board ngaihdan a ni vek kher lo.

MEIHAWL MEIHAWL

**Meihawl chang tha chi eng
lai pawhin kan nei e. Bag khat
Rs 400/-, bag 5 chin la tan Rs
350/- in kan pe thei.**

**MATLUANGI
Indoor Stadium thlang.****SEPTIC TANK KHATTAN**

**Septic Tank khat tawh pah
fai ngai tan koh theih reng kan
ni e, Veng chhung mite duhsak
bik an ni ang.**

Contact : 9612598929

OCTOBER SPECIAL!

SAITIKA, KAWNG NA, THA NA,
NGHAWNG NA, DAR NA, KHUP NA,
TI HRAWL NA, PANGKHING ZENG,
IHMAI SAWI, NERVE THA LO leh al
kaihhnawih natna chi hrang hrang,
khawl tha tak tak hmangin kan enkawl
thei e. Hetiang harsatna i nei a nih
chuan min rawn pan la,
Physiotherapist thiam tak, National
Institute atanga degree zir chhuakin a
lo enkawl ang che. 31st October 2012
thleng a MAN CHANVE (50%
DISCOUNT) in kan enkawl thei e.
Timing : zing: 6:30 am - 9:00 am.
Tlai : 2:00 pm - 5:30 pm.
(Monday - Saturday)

AIZAWL PHYSIOTHERAPY CLINIC
Pu Rinsanga IAS (Rtd.) Building
Chanmari Kawm, Glenary's bul
Ph : 0389-2347456 / 9856907725

(2-3)